



Ulloq: 1. oktober 2020
Allaffik: Nordatlantkontoret
Suliarinn.: Maria Carlsson
Suliap nr.: 2019-490-0134
Dok.: 1388180

MISSINGIUT

Pinerlunnernit eqqorneqartunut naalagaaffimmit taarsiissutit pillugit inatsisip allanngortinneqarnissaanik inatsisit assigiinngitsut kunngip peqqussutaatigut Kalaallit Nunaannut atortuulernerannik peqqussut

UAGUT MARGRETHE AAPPAAT, Guutip saammaassineraqut Danmarkip Dronningia, tamanut nalunaarpugut:

Eqqartuussisarnermik inatsimmik allannguneq pillugu inatsimmi nr. 412, 9. maj 2011-meersumi § 4, imm. 2¹ aamma pinerlunnernit eqqorneqartunut naalagaaffimmit taarsiissutit pillugit inatsit (aneersinnaatitaanermi aamma iperagaanermi il.il. kalerriineq aamma pinerluttuliornernut eqqugaasunut naalagaaffimmiit taarsiivigitinnermi politiinut unnerluttiginninnissamut piffissarititamik sivitsuineq), pillaasarnermut inatsimmik allannguneq pillugu inatsimmi nr. 140, 28. februar 2018-meersumi § 6², piumasaqaatit pisoqalisootarneri pillugit inatsit, taarsiisussaataitaanermut akisussaaffik pillugu inatsit aamma pinerlunnernit eqqorneqartunut naalagaaffimmit taarsiissutit pillugit inatsit (meeqqanik kinguaassiuutitigut atornerluineq pillugu suliani pinerluttuusup pillaatiasiassatut akisussaaffiata pisoqalisootarneranik piffissarititap atorunnaarsinneqarnera aamma meeqqanik kinguaassiuutitigut atornerluisoqarsimanera pillugu suliani sumiginnaasoqarsimaneranut ingerlatsivinni oqartussaasunut taarsiivigitinnissamut piumasaqaatit, kinguaassiuutitigut kannunarsagaanikkut ajuasutsitaanermut taarsiivigitinnermut killigititaasup qaffanneqarnera kisalu pinngitsaalineq, qanigivallaakkamik atoqateqarneq aamma kinguaassiuutitigut meeqqanik atornerluineq il.il. pillugit suliani 72-tiiminut maleruagassap atorunnaarsinneqarnera) aamma pinerlunnernit eqqorneqartunut naalagaaffimmit taarsiissutit pillugit inatsimmik allannguneq pillugu inatsimmi nr. 486, 30. april 2019-meersumi § 3³ (Taarsiisuteqarnissamut aalajangiisartuni sullissisarnermut piffissap appartinneqarnera) malillugit, aalajangiunneqarpoq:

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk



§ 1

Peqqussutikkut nr. 472, 25. september 1984-meersukkut Kalaallit Nunaannut atuutilersinneqartumi pinerlunnernit eqqorneqartunut naalagaaffimmit taarsiissutit pillugit inatsimmi, peqqussutikkut nr. 1197, 21. december 1995-meersukkut allanngortinneqartumi, peqqussummi nr. 1148, 26. november 2004-meersumi aamma peqqussummi nr. 250, 20. marts 2017-meersumi, tulliuttut allannguutit suliarineqarput:

1. § 6-imi imm. 2-tut ikkunneqarpoq:

» *Imm. 2.* Inatsimmi piumasaqaataasinnaasut allat naammassineqarpata, pinerlunnermik suliami unnerluutigisaaq pinngitsuutitaagaluarpalluunniit, taarsiiviginninneq pissaaq.«

2. § 9-mi imm. 1-ip kingorna nutaatut ikkunneqarpoq:

» *Imm. 2.* Pisoq § 1-imut ilaatinneqarpat aamma § 13 naapertorlugu piumasaqaat piffissaq eqqorlugu saqqummiunneqarsimappat, imaangipallu ersiinnartumik inatsimmi piumasaqaataasinnaasut allat naammassineqarsimangitsut, 3.500 kr.-nit tikillugit piumasaqaatinut taarsiiviginnittoqarlunilu aningaasartuutitut matussusiisoqassaaq. Taarsiissuteqarnissamut akisussaaffik pillugu inatsimmi § 15-imi maleruagassat malillugit aningaasat annertussusaat maleruagassiuunneqassaaq. 1. imm.-mi allassimasut malillugit taarsiiviginninnissamut aamma aningaasartuutitut matussusiinis-

samut apequtaassapput, pinerlunnermut tunngatillugu ajoqusigaasup pi-
umasaqaatini saqqummiuppagu, piffissami tassani tamatuma piuneranik
ilisimanninnini tunngavigalugu, qinnuteqaammik tunniussinikkut.«

Imm. 2 tamatuma kingorna imm. 3-nngorpoq.

3. § 10, imm. 1-i, imatut allanneqarpoq:

»Taarsiiviginnissamut apequtaavoq, inatsisinik unioqutitsineq 72
tiimit qaangiutsinnagit politiinut unnerluussutaasimanersoq, pinerlun-
nermillu suliaasinnaasup nalaani ajoqusiisumut taarsiivigitinnissaq pillugu
ajoquserittoq piumasaqarsimanersoq.«

4. § 10-mi imm. 1-ip kingorna nutaatut ikkunneqarpoq:

»Imm. 2. Taamaattoq pinerluttulerinermi inatsimmi §§ 74-imik, 77-imik,
79-81-mut, 82, imm. 1-imik, aamma § 85, imm. 4-mik unioqutitsineq
pillugu sulianut, aamma inunnut 18-nit inorlugit ukiulinnut pinerliutigi-
neqarlutik pinerluttulerinermi inatsimmi § 78-imik unioqutitsineq pillugu
sulianut, 72 tiimit qaangiutsinnagit unnerluussisoqarsimanissaa pillugu pi-
umasaqaat atuutinngilaq.«

Imm. 2 aamma 3 tamatuma kingorna imm. 3 aamma 4-nngorput.

5. § 10-p kingorna ikkunneqarpoq:

»§ 10 a. Justitsministerip atorsinnaasatut inissitaata (qarasaasiakkut im-
minut sullissiviup) qarasaasiakkut aaqqiinerup atorneratigut, taarsiivigitin-
neq aamma aningaasartuutininik matussusiineq pillugit qinnuteqaatip tunni-
unneqarnissaa pillugu maleruagassanik Justitsministeria aalajangersaasin-
naavoq.«

6. § 11 b-p kingorna ikkunneqarpoq:

»§ 11 c. Ajoqusiisumut pinerluttulerinermik suliaq naggataarutaasumik
pineqaatissiinermik aalajangiivigineqartinnagu imaluunniit pinerluttoqar-
simaneramik paasiniaaneq unitsinneqartinnagu, aalajangiisartoqatigiit aala-
jangiissanngillat. Aammattaaq § 7, imm. 1-i naapertorlugu ajoqusernerup
allamiit akilerneqassanerata paasineqarnissaa siunertaralugu aalajangiineq
kinguartinneqassaaq.

Imm. 2. Imm. 1-imi piumasaqaatit naammassineqanngikkaluartut apeqqutaatinnagu, pissutsit periarfissiippata, aalajangiisartoqatigiit aalajangiisinnaapput.«

7. § 12, *imm. 2-mi*, »§ 14, *imm. 1, 1. imm.-mi* allassimasut, aamma *imm. 3*« allanngortinneqarput imaalillugu: »§ 14, *imm. 1, 1. imm.-mi* allassimasut, aamma *imm. 4*«.

8. § 13-imi *imm. 2 aamma 3-tut* ikkunneqarput:

»*Imm. 2.* Suliami eqqartuussummik aalajangiisoqareersimappat, *imm. 1-imi* piffissarititaq inaarutaasumik eqqartuussinermiit naatsorsorneqassaaq. Politiit suliami misissueqqissaarsimappata, tamatumalu kingunerisaanik pinerluttulerinermik suliakkiussassartaqarani, misissueqqissaarnerup unit-sinneqarnera pillugu politiit aalajangiineranniit piffissamiit piffissarititaq naatsorsorneqassaaq.

»*Imm. 3.* Taarsiiviginninnissaq imaluunniit aningaasartuutitut matussusiinissaq pillugu inaarutaasumik aalajangiisartoqatigiit aalajangeereersimasut, ukiut marluk sinnerlugit aalajangiisartoqatigiit inaarutaasumik aalajangiinerisa kingorna, piumasaqaatit nutaat saqqummiunneqarpata, inatsisunik unioqqutitsisimaneq taaana pillugu qinnuteqartumit tassannga piumasaqaatinik ilassutinik aalajangiisartoqatigiit suliaqarsinnaanngillat. Qinnuteqartup piumasaqaatit nutaat piuneri aatsaat kingusinnerusukkut paasiguniuk imaluunniit paasisimasariaqaraluarlugu, *imm. 1-imi* piffissarititaq piffissamit tassannga naatsorsorneqassaaq. Piumasaqaammut saqqummiusamat uppernarsaat pillugu aalajangiisartoqatigiit noqqaassuteqarpata aalajangiisartoqatigiillu inaarutaasumik aalajangiinerisa kingu-sinnerpaamik ukiut marluk kingorna uppernarsaat nassiunneqarsimanani, aalajangiisartoqatigiit piumasaqaammik suliarinnissinnaanngillat. Immikkut it-tunik tunngavilersuuteqarpat 1.-3. *imm.-mi* allassimasut saneqqunneqarsinnaapput.«

9. I § 14-imi *imm. 1-ip* kingorna immikkoortutut nutaatut ikkunneqarpoq:

»Imm. 2. Aalajangiisartoqatigiit kingunipilutsitsinerup annertussusaa aamma inuussutissarsiorsinnaajunnaarnerup aalajangiivigineqarnerat pillugit apeqqut pillugu oqaaseqaammik aallersinnaapput.«

Imm. 2 aamma 3 tamatuma kingorna imm. 3 aamma 4-nngussapput.

10. § 14-ip kingorna ikkunneqarpoq:

»§ 14 a. Aalajangiisartoqatigiit Kalaallit Nunaanni Namminersorlutik Oqartussat isumaqatigiinniaqatigereerlugit tamanna malillugu qinnuteqaatit suliarinissaannut atussallugit pisariaqartunik isertitanik nalunaarsuivimmi paasissutissanut qarasaasiakkut iserfissamik pisinnaapput.«

§ 2

Imm. 1. Peqqussut atuutilissaaq ulloq [...].

Imm. 2. Peqqussutip atuutilersinneqarnerata kingorna pinerluutigineqartuni, unioqqutitsinerni ajoqusiinernut § 1-i, nr. 3 atuuppoq.

Imm. 3. Peqqussutip atuutilernera ukiut marluk sinnerlugit sioqqullugu pinerluutigineqartuni unioqqutitsinerni ajoqusiinernut § 1, nr. 4 atuutinngilaq. Ajoqusiinernut taamaattunut maleruagassat manna tikillugu atuuttut atuupput.

Tunniunneqarpoq [_____], ulloq [_____]

Kunngiussutsitsinnik Atsiorpugut Naqissusiillutalu

MARGRETHE R.

/ Nick Hækkerup

¹ Aalajangersagaq tulluuttunik oqaasertaqarpoq: ”Inatsimmi § 2 Kalaallit Nunaanni pissutsit apeqqutaallutik allannguutit ilaatillugit, kunngip peqqussutaatigut Kalaallit Nunaannut tamakkiisumik imaluunniit ilaannakuusumik atuutilersinneqarsinnaavoq”.

² Aalajangersagaq tulliuuttunik oqaasertaqarpoq: ”Inatsit Savalimmiunut aamma Kalaallit Nunaannut atuutinngilaq, kisianni §§ 2-4 Kalaallit Nunaanni pissutsit apeqqaallutik allannguutit ilaatillugit, kunngip peqqussutaatigut tamakkiisumik imaluunniit ilaannakuusumik Kalaallit Nunaannut atuutilersinneqarsinnaapput”.

³ Aalajangersagaq tulliuuttunik oqaasertaqarpoq: ”Inatsit Savalimmiunut aamma Kalaallit Nunaannut atuutinngilaq, kisianni Kalaallit Nunaanni pissutsit apeqqaallutik allannguutit ilaatillugit, kunngip peqqussutaatigut tamakkiisumik imaluunniit ilaannakuusumik Kalaallit Nunaannut atuutilersinneqarsinnaalluni”.